

## ЧИ И КОМУ МОЖЛІВЕ ПРЕДАЦ/ПРЕПУЩИЦ ГРОБНЕ МЕСТО?

У СКЛАДЗЕ ЗОЗ ВАЖАЦИМ ЗАКОНОМ О ХОВАНЮ, ЯК И ЗОЗ ЧЛЕНОМ 8. ОДЛУКИ, ГРОБНЕ МЕСТО ВИКЛЮЧЕНЕ ЗОЗ ПРАВНОГО ОБТОКА, ЦО ЗНАЧИ ЖЕ ИСТЕ НЕ МОЖЛІВЕ ОЦУДЗИЦ ТРЕЦЕЙ ОСОБИ. ГРОБНЕ МЕСТО ШЕ МОЖЕ ПРЕПУЩИЦ ЗРОДНІКАМИ ЗОЗ ДОКАЗОМ ЗРОДСТВА, АБО СПРАМ ВИМОГИ ХАСНОВАТЕЛЯ ВРАЦИЦ НА ДАЛЬШЕ РОЗПОЛАГАНЕ ПОДПРИЄМСТВУ. УСЛОВИЯ ЗА ЗДОБУВАНЕ СТАТУСА ЗАКУПЦА И ХАСНОВАТЕЛЯ ГРОБНОГО МЕСТА, УШОРЕНЕЙ ПАРЦЕЛИ, КРИПТОХ И КАСЕТОХ ЗА ОДКЛАДАНЕ УРНОХ ШЕ МОЖУ ЗАКУПИЦ ЗА ЖИВОТА, НЕЗАВИСНО ОД ФАКТУ ШМЕРЦИ, ОДНОСНО ПРИЯВИ ХОВАНЯ.

ЗАКУП УШОРЕНЕЙ ПАРЦЕЛИ, КРИПТИ И КАСЕТИ ЗА ОДКЛАДАНЕ УРНИ ШЕ УШОРЮЄ ЗОЗ КОНТРАКТОМ О ЗАКУПУ ЗОЗ ХТОРИМ ШЕ РЕГУЛУЄ: ПЕРИОД ЗАКУПУ, ЗАКУПНИНА, НАДОПОЛЬНЕНЕ ЗА ХАСНОВАНЕ И ОТРИМОВАНЕ ТЕМЕТОВА, ОБОВЯЗНИ ТЕРМИН СПОЧИВАНЯ, ВИЦЕК ТЕРМИНА СПОЧИВАНЯ, ЯК И ПРЕДЛУЖЕНЕ ПЕРИОДА ЗАКУПА, ГРОБ ШЕ ДАВА НА ХАСНОВАНЕ ВИКЛЮЧНО У СЛУЧАЮ ШМЕРЦИ, ОДНОСНО ЗОЗ ПОДНОШЕНЬОМ ПРИЯВИ ХОВАНЯ. З НАГОДИ ПРИЯВЙОВАНЯ ХОВАНЯ ПОДПРИЄМСТВО ОДРЕДЗУЄ ГРОБ.

ГРОБ ШЕ ДАВА НА ХАСНОВАНЕ ЗРОДНІКОМ УМАРТОГО ПО СЛІДУЮЩИМ РЯДОШЛІДУ: СУПРУЖНІКУ УМАРТОГО, ДЗЕЦКО УМАРТОГО (МАЛЖЕНСКЕ, ЗВОНКАМАЛЖЕНСКЕ, УСВОЄНЕ), РОДИЧИ УМАРТОГО. У СЛУЧАЮ ЖЕ НЕТ НАВЕДЗЕНИХ ОСОБОХ ГРОБ ШЕ ДАВА НА ХАСНОВАНЕ ОСОБИ ПО РЯДОШЛІДУ ЗРОДСТВА ЗОЗ УМАРТИМ ПО КРЕВИ У ПРОСТЕЙ, ОНОСНО ПОБОЧНЕЙ ЛІНІЇ ПО ІV СТУПЕНЬ ЗРОДСТВА И ЇМ СУПРУЖНІКОХ. МЕДЗИСОБНИ ПРАВА И ОБОВЯЗКИ МЕДЗИ ОСОБАМИ ХТОРИМА ШЕ ДАВА ГРОБ НА ХАСНОВАНЕ И ПОДПРИЄМСТВА УШОРЮЄ ШЕ ЗОЗ КОНТРАКТОМ О ХАСНОВАНЮ ГРОБНОГО МЕСТА.

ЗОЗ КОНТРАКТОМ ШЕ УТВЕРДЗУЄ: НАДОПОЛЬНЕНЕ ЗА ХАСНОВАНЕ И ОТРИМОВАНЕ ТЕМЕТОВА, УСЛОВИЯ ОТРИМОВАНЯ ГРОБА, ОБОВЯЗНИ ТЕРМИН СПОЧИВАНЯ, ТЕРМИН У ХТОРИМ ШЕ ДАВА НА ХАСНОВАНЕ ГРОБ, ВИЦЕК ТЕРМИНА СПОЧИВАНЯ, ЯК И ПРЕДЛУЖЕНЕ ТЕРМИНА СПОЧИВАНЯ.

У СЛУЧАЮ ШМЕРЦИ ХАСНОВАТЕЛЯ ГРОБА, ОДНОСНО ЗАКУПЦА УШОРЕНЕЙ ПАРЦЕЛИ, ГРОБНІЦИ И КАСЕТИ ЗА ОДКЛАДАНЕ УРНИ, ПРАВО ХАСНОВАНЯ ГРОБА, ОДНОСНО ЗАКУПА УШОРЕНЕЙ ПАРЦЕЛИ, ГРОБНІЦИ И КАСЕТИ ЗА ОДКЛАДАНЕ УРНИ, МА ОСОБА ХТОРА У НАШЛІДСТВЕНИМ ПОСТУПКУ ОДРЕДЗЕНА ЗА ЙОГО НАШЛІДНІКА АБО ОСОБА ХТОРА ДОКАЖЕ ЗРОДСТВО ЗОЗ ХАСНОВАТЕЛЬНОМ, ОДНОСНО ЗОЗ ЗАКУПЦОМ. КЕД ЄСТ ВЕЦЕЙ НАШЛІДНІКОХ НАШЛІДНОГО ШОРА, ХАСНОВАТЕЛЬ, ОДНОСНО ЗАКУПЕЦ ОСОБА ХТОРУ ВОНИ СПОРОЗУМНО МЕДЗИ СОБУ ОДРЕДЗА.

ЯВНЕ КОМУНАЛНЕ ПОДПРИЄМСТВО "ЛИСЕ"